

柱風煙向晚低悵望憑闌春欲盡伏波祠下鷗

鶴啼

翁溥

十年嗟去國萬里一登樓北闕風煙迥南天瘴
癟浮日斜江樹暝雲起海門秋龍劍沉埋久從

君望斗牛

秋日遣興

林希元

天涯薄宦忽三年能得身康卽是仙無病不須
求藥物有官何必問陞遷青鳩至後波羅熟滴

酒香時螃蟹鮮誰道此方非樂土邇來斗米僅

三錢

開西門有述

州城舊有西門曰鎮遠前守塞之至公而開

林希元

欽江王氣在西方道路多年阻未通門啟寧知
經國手橋成始見濟川功風煙一去連銅柱勲
業誰來繼馬公我老不堪當世用偶然此處寄

鴻踪

至白皮丈田有述

林希元

忙裏偷閑到海濱朝風若爲洗塵襟臨春出郭

豈無事自古均租卽養民遇雨不妨衫袖溼登
山剛怕僕夫辛野人獻食無佳品粗茗濁醪意
自真

登文筆峯二律

林希元

乘興看山到筆峯一城中立萬山宗地從海角
開名郡人在天涯望九重未有涓埃沾赤子且
將杯酒散愁容從來此會知誰勝醉倚乾坤氣
轉雄

睡手燕雲志已灰異方與客共登臺百年憂國

心常結九日凭高首重回山際雲收秋瘴薄海
門月上晚潮來此行只爲文翁事不是孟陽愛

酒杯

鴻飛亭

林希元

鴻跡因風到海涯羽毛今日又何之稻粱本匪
生平志雲漢常懷萬里思木落山空歸路杳秋
高天遠北書遲四年作郡慙無補徒向江干賦
雪泥

春興八首

何御

知府福清進士

與客遙登海上亭東方日出俯晴汀爲憐鷓鴣
依南樹轉憶鵠鵬在北溟遊子夢回江草碧孤
臣望斷塞烟青仙達飄渺無憑問寂寞空嗟鬢
髮星

小亭木榻對芳尊草色簾間帶雨痕春暖更多
更隱地月明偏在竹梧垣不欽馬援題銅柱翻
笑班超出玉門檻散時時隨忻幘幾回清夢到
鄉園

三月江村花未飛感時臨眺思依依小山結桂

送春伴孤興題情坐晚暉漢女琄琄青佩璲皎

人燦燦紫綃衣凌風髡鬟扳靈氣莫遣蕭騷悵

獨歸

往歲茲辰頒鳳詔曲江傳宴拜恩初宮花曉靄
映朱紱御柳春煙拂翠渠銀漢乘槎張博望金
門獻賦馬相如掖垣深處曾通籍今日天涯翻

索居

聖朝大將總元戎十萬風雷動地雄不令尉佗
專嶺外應須諸葛定黔中明珠翡翠從天使首

藉蒲萄入漢宮想及班師春正好雲臺首勒鎮

南功

時有安南之役

鳴鐘曾記侍朝儀一落炎陬歲再朞鶴鷺日邊
青瑣隔鴈鴻天上素書遲枚生慷慨遊梁後賈
傅傷悲吊屈時獨撫壯懷追往事謾隨花鳥寄

芳思

昔從庾嶺入南韶更駕春帆犯海潮合浦瘴山
連八桂炎交風壤似三苗金盤降露雲霄迥玉
潤傳書歲月遙覽鏡朱顏驚漸改稍憑山水狎

漁樵

暮雲天畔獨傷神
綠水藍橋興轉頻
門巷松蘿那在眼
溪山日月久懷人
著書頗恠揚雄癖
卜宅遙將杜曲鄰
瘦騎風塵淹遠道
更堪蕭索待歸津

歸津

海角亭

明陳崇慶

習聞海角共天涯
此日登臨望轉睞
青草寒潮迷極浦
蒼山斜日擁晴沙
夢回江上三秋鴈
笑對尊前二月花
愧我南冠歸計拙
逢人空自說

還家

孤亭寂寞海東頭澤國風煙萬里秋
塢月徐隨雙鳥出江雲遙帶一帆收
不堪簫鼓驚春老更有胡笳起暮愁
宵旰正暉南粵慮諸公何以獻忠謀

明陳瀚同知秀水舉人

極日塵沙際蒼茫海色浮珠光明遠浦蜃氣結層樓去國孤臣淚思家逆旅愁乾坤餘感慨何處是丹丘

洪崖山

明 吳廷舉 布政

海北巡行遍九場
洪崖立馬看封疆
一山界限東西廣
兩水分流左右江
瘴癘不愁侵我輩
風煙漸起近吾鄉
橫槎今夕逢交舊
應有新吟到海棠

林希元

洪崖嶺路高入雲
兩廣山河此界分
萬里乾坤舒望眼
九天風雨散塵氛
香煙杳杳連銅柱
行李瀟瀟向海門
獨恠七年重過此
功名不就鬢已白